



“JARRI ZURE BIZIKLETA PUNTUAN” ZOZKETAN PARTE HARTZEKO LEGE OINARRIAK

1.- PROMOZIOA ANTOLATU DUEN ERAKUNDEA

Gipuzkoako Foru Aldundiak (Gipuzkoa Plaza, z.g. 20004 Donostia) "Jarri Zure Bizikleta Puntuan" probintzia mailako zozketa antolatu du, sentsibilizazio eta sustapen helburuetarako, parte hartzeko baldintzen atalean xedatutakoaren arabera.

2.- HASIERAKO ETA AMAIERAKO DATAK

Promozio hau 2022ko irailaren 16an hasi, eta irailaren 25ean amaituko da.

3.- PARTE HARTZEKO BALDINTZAK

Parte hartzeko baldintzak honako hauek izango dira:

- Gipuzkoan bizi direnek parte hartu ahal izango dute.
- Adingabeek gurasoen edo tutorearen baimena behar dute.
- Parte hartzaileek formularioa betetzean ematen dituzten datu pertsonalak egiazkoak izango dira.
- Aldundiak ez du inolako erantzukizunik izango zozketan parte hartu duten pertsonakemandako datuetan egon daitezkeen akatsengatik.
- Ezinbestekoa izango da parte hartzaileek “Jarri zure bizikleta puntuan” ekimenean parte hartu izana.
- “Jarri zure bizikleta puntuan” ekimenean banatutako flyerrean datorren galdetegia bete beharko da. Ekimena Gipuzkoan zehar ibiliko da irailaren 16tik 25era.
- “Jarri zure bizikleta puntuan” ekimena burutuko duen lantegi-kamioiaren ondoan egongo den kutxa batean sartu beharko da flyerra.

4.- ZOZKETAREN BALDINTZAK ETA SARIAK

Zozketa epea itxi eta hurrengo egunean egingo da. “Esku errugabe” batek aukeratuko ditu irabazleak, eta, prozesua egiaztatzeko, grabatu egingo da.

Honako sari hauek zozketatuko dira:

- 20 euroko 60 karga MUGIn.



- 50 euroko bi bonu denda laguntzaileetako batean, bizikletetarako materiala erosteko.

- Bi bizikleta.

5.- MUGAK

- Parte-hartzaileetako edozeinek oinarrietan eskatzen diren baldintzak betetzen ez dituela edo parte hartzeko emandako datuak baliogabeak direla ikusten bada, parte hartzea baliogabetzat joko da eta zozketatik kanpo geratuko da automatikoki, zozketa honen bidez emandako sarien gaineko eskubide oro galduz.
- Emandako saria ezin izango zaio beste norbaiti eman, aldatu edo konpentsatu parte hartzaileek eskatuta, eta ezin izango da beste edozein produkturekin edo diruarekin trukatu.
- Gipuzkoako Foru Aldundiak beretzat gordetzen du edozein aldaketa egiteko, lehiaketa bertan behera uzteko edo zabaltzeko eskubidea, baldin eta bidezko arrazoirik badago eta alde zuzenetik jakinarazten bazaio.
- Saria ematen den egunetik hamabost (15) egun naturaleko epea ezartzen da arrazoitutako edozein erreklamazio egiteko. Gipuzkoako Foru Aldundiak, nahitaez behar izanez gero, sariaren ordean antzeko ezaugarriak dituen beste sari bat emateko eskubidea izango du.

6.- ERANTZUKIZUNETIK SALBUESTEA

Adierazpen gisa, baina ez era mugatzailean, Gipuzkoako Foru Aldundiak ez du bere gain hartuko promozio honen garapenean eragina izan dezaketen galera, lapurreta, atzerapen edo hirugarrenei egotz dakiekeen beste edozein zirkunstantziaren erantzukizunik, ez eta parte hartzaileak lortzen duen sariaren gainean egiten duen erabileraren erantzukizunik ere, eta ez du bere gain hartuko, halaber, parte-hartzaileek, irabazleek edo hirugarrenek jasan dezaketen inolako kalte edo galeraren erantzukizunik.

Era berean, ez du erantzukizunik bere gain hartzen promozioa egitea edo saria osorik edo partzialki baliatzea eragotz dezaketen ezinbesteko kasuetan edo ustekabeko kasuetan. Promozioa ezin bada egin, bertan hautemandako iruzurrengatik edo akats teknikoengatik, edo Gipuzkoako Foru Aldundiaren kontrolpean ez dagoen eta zozketaren ohiko garapenari eragiten dion beste edozein arrazoirengatik, zozketa eteteko, aldatzeko edo bertan behera uzteko eskubidea izango du.

8.- Datu pertsonalen babesa

Gipuzkoako Foru Aldundia (Gipuzkoa plaza z.g.) da zure datuen tratamenduaren erakunde arduraduna.



Gipuzkoako Foru Aldundiak oso serio hartzen du zure pribatutasunaren eta datu pertsonalen babesa. Beraz, zure informazio pertsonala modu seguruan gordetzen du eta ahalik eta kontu handienarekin tratatzen du: ez da hirugarrenekin partekatuko, zozketaren irabazleei jakinarazpenak egiteko ez bada.

Datuen babesaren arloan aplikatu beharreko araudian eta, zehazki, Europako Parlamentuaren eta Kontseiluaren 2016ko apirilaren 27ko 2016/679 (EB) Erregelamenduan (datu pertsonalen tratamenduari eta datu horien zirkulazio askeari dagokienez pertsona fisikoak babesteari buruzkoa) ezarritakoaren arabera, lege-oinarri hauek onartuta, parte hartzaile bakoitzak baimena ematen du lehiaketa honetan parte hartzeko eman dituen datu pertsonalak Gipuzkoako Foru Aldundiaren titulartasuneko fitxategi batean sartzeko, lehiaketan parte hartzea izapidetzeko eta, hala badagokio, saria jakinarazteko.

Informazio gehiago nahi izanez gero, Gipuzkoako Foru Aldundiaren pribatutasun-politikakontsulta dezakezu esteka honen bidez: <https://www.gipuzkoa.eus/es/privacidad>

8.- ALDAKETAK

Promozioaren oinarri horiek aldatzeko edo zabaltzeko eskubidea izango dugu, bertan partehartzen dutenen eskubideei kalterik egiten ez badie.

9.- APLIKATU BEHARREKO LEGERIA ETA JURISDIKZIOA

Lege-oinarri hauek Espainiako legearen arabera izango dira. Donostiako epaitegi eta auzitegiek izango dute eskumena hauen baliozkotasunaren, interpretazioaren edo betetzearenguruan sor daitekeen edozein erreklamazio edo eztabaida ebazteko.